

Zeitschrift: Annalas da la Societad Retorumantscha
Herausgeber: Societad Retorumantscha
Band: 65 (1951)

Artikel: Canzun davart Wilhelm III. : cuort comentar davart la canzun che suonda
Autor: [s.n.]
DOI: <https://doi.org/10.5169/seals-219246>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Canzun davart Wilhelm III.

Cuort comentar davart la canzun che suonda

1. Zaconts fatgs historicis de quei temps

Dils 1685 sligia il retg franzos, Ludivic XIV il vegl «Edict de Nantes», e cheu entscheiva per ils protestants en Frontscha il grev temps de persecuziun. Treis onns pli tard occupescha il medem retg franzos la Falz en Tiara tudestga, che fuva senza patron. Ils prencis tudestgs ein seraspai per far frunt al grond rubadur franzos. Els ein vegni susteni da Wilhelm III dell' Orania, che haveva gest quei onn ella «Revoluziun gloriusa» acquistau la cruna roiala dell' Engheliara. Sut sia bitgetta ein Engheliara, Hollanda, Spagna e Savoia seuni culs Tudestgs el combat encunter Ludivic XIV della Frontscha. A quel ei restau nuot auter, che schar devastar tiara e marcaus della Falz e lu seretrer. Aunc inagà reussescha ei denton als Franzos de mussar lur forza e surpussonza ell' Europa, per alla fin tuttina su ttacumber e dils 1697 seremetter alla pasch de Reisweik. Gia quater onns pli tard entscheiva l'Uiara spagnola (Spanischer Erbfolgekrieg), 1701—1714, en Hollanda, Tiara tudestga, Italia e Spagna a medem temps. In onn suenter, dils 1702, miera il retg Wilhelm III.

A quei retg engles ei dedicada la liunga canzun romontscha, che vegn cheu publicada. Aschi remarcabel sco ei para, ch'in Grischun e Romontsch d'avon varga 200 onns conta ina tala canzun de laud ad in retg engles, aschi surstai essan nus, che quella ovra duess esser scretta d'in vegl vischin de Vuorz, il qual ei carteivla mein era igl autur de quella. Daco quei?

2. Mercenaris svizzers

Igl ei strusch dubi, che Johannes Siewy a Waltens Purg che ha scret la canzun, ei staus in dils biars Svizzers e Grischuns che han da quei temps fatg survetsch militar sut ils Franzos, Hollandes ni

Engles. Prof. dr. H. Bertogg scriva leusura denter auter il suandont: «El mument, ch'igl Edict de Nantes ei vegnius sligiaus, fuvan ils protestants svizzers e grischuns, che stevan en survetsch della Frontscha (19 regiments, la Garda ed ils 100 Suisses) malamein en perfetg. Els cartevan de stuer batter encunter lur cuncartents en Frontscha. Per part sin camond de lur regenzas svizzeras han biars de quels bandunau ils Franzos, entrond en survetsch tiels Hollandes ed Engles, ils inimitgs dils Franzos. Era l'antipatia dils republicans svizzers encunter las metodas absolutisticas de Ludovic XIV han gidau leutier. Secapescha, ch'ils Hollandes ed Engles fuvan leds della nova schuldada svizzera. Cheu han nos mercenaris surviu sut condiziuns favoreivlas. En temps liber astgavan els studegiar allas universitads ed academias e vegnevan aschia en contact cun la reha veta spirtala de quellas tiaras. Aschia han nos mercenaris per sumeglia importau il pietissem da Hollanda. Wilhelm d'Orania, il retg d'Engheltiara, valeva de quei temps surtut ellas tiaras protestantas quasi sco simbol della tolleranza e libertad confessionala sco era della democrazia.» Igl ei perquei era capeivel, sche nos mercenaris ludavan gie bunamein aduravan el, sco quei che era nossa canzun muossa.

3. Mercenaris grischuns e sursilvans

En nossa canzun vegnan numnai ils signurs officials obrist da Capaul, vachmeister Beli, Lütinente Saluz, capitani Buole e juncker Christofel Schmit da Grieneck — tut numbs grischuns e sursilvans. Ellas notizias historicas della Surselva da prof. G. H. Muoth (Bündner Oberland da C. Tarnuzzer, pag. 129) legin nus: «Igl onn 1693 ei colonel Hercules de Capaul, Flem, entraus cun in regiment (Freikompagnien) en survetsch holandes». Scolast B. Studer plaida de biars protestants sursilvans che mavien de quei temps sco mercenaris en Hollanda, el raschuna d'in general Christoffel de Grüneck da «Casa gronda» a Glion ch'engaschavi giuvens dil contuorn per survetschs militars sut Hollandes ed Engles. Christoffel sez seigi dils 1734 morts a Maastrich en Hollanda. Dr. Bertogg plaida d'in register dellas copulaziuns de schuldaus ed officiers che seigien maridai en Hollanda duront lur survetsch, en quel secattien sper biars numbs de Glarunes era numbs de protestants grischuns da Cuera,

Maienfeld, Purtenza, Flem, Riein, Schnaus e. a. Derivonts da Vuorz pudessen cheu esser Corai Matheus, forsa era Wachtmeister Cazin (Cunzin).

4. Johannes Siewy zu Waltens Purg, Anno 1720

Sievi ei ina veglia schlatteina de Vuorz. Gest de quei temps figureschan ils Sievis savens denter ils representants della visch-naunca. Gia ella brev de marcau dils 26 october 1649 denter Vuorz e Schmid de Grüneck cun C. de Montalta secatta denter ils treis representants de Vuorz «amman» Jacob Siewy. Il num Jacob Siewy compara fetg savens els documents, aschia 1656, 1663, 1676, 1699, 1708, 1709 ed 1718 — sco mistral, «Gerichtsschreiber» e sco president della dertgira criminala. Semegliont eis ei cun Pancrati ni Pancratio Siewy, il qual Studer pretenda, che seigi staus frar de Jacob Siewy. Dils 1707 ei raschieni era d'in J. Melcher Siewy e dils 1709 d'in Balzarth Siewy. Mo nies Johannes Siewy, il sribent della canzun, ei nigliu d'anflar — denton bein: El Cudisch de baselgia dils onns 1726—1811 legin nus:

A. 1728, d. 3. 9-bris: Dem Jon Sievi ein Tochter getauft, Trinna genannt.

A. 1729, d. 24. X-bris: Dem Jon Sievi ein Tochter getauft, Elsi genannt.

A. 1734, d. 2. May: Dem verstorbenen Jon Sievi ein Sohn getauft, Jon genannt.

E sut ils mortoris cattein nus el medem cudisch finalmein:

A. 1734, die 7. Marty: Sepultus Johannes Sievi — at. Aº. 52.

Igl ei pia tgunsch pusseivel, ch'il sura numnau Jon ni Johannes Sievi (mort dils 1734 ella vegliadetgna de 52 onns), ch'ei tenor quellas indicaziuns naschius igl onn 1682 e che era dils 1702, cu retg Wilhelm III ei morts, in um de 20 onns, fuss de quei temps staus sco giuven schuldau en survetsch engles ni hollandes e ch'el ei quel che ha scret la canzun che vegr cheu publicada.

G. Pfister.

Inna chanzun davart ilg reig dad Engelland
vilhelm ilg Tiertz

1. Vilhelm ilg Tierz numnaus
sund jau da saung da Reg
Hai semper vurgiaue
par Deus a libertat.
2. In jerfen sund jou staus
Elg bist da mia mum(m)a
Oig gis fova nassause
Scünna sechia fadingia.
3. parchei ca mieu Bab chare
Oig gis ei morts avont
ont chjou na possig vere
La lgisch Bein da quest mund.
4. in filg eil staus parsule
dla casa Da Nassau
Mo Deus zund marvilgiuse
Ha quella parchirau.
5. Elg ont milli sys Tschiente
Tschunquont er Dumbrau
jls quater Da november
La sera jlg Haig numnau.
6. Sund jou zund mirvilgiuse
Naschieus a ngieus silg mund
Cur bears spichiaven vesse
A suspiravan zund.
7. Henricus a Wilhelm
Elg Batten sund numnaus
par chjlg Num Da mieu Bab
puschpei ngis renovaus.
8. Mo cur jou fo naschieuse
In jerfen senza Bab
Hai jou mei lur stuvieue
Schar auters Guvernar.
9. Par mes vugaus ean daie
Bein Dus singiurs davitt
ô vâe ô vâe cun mieie
A tutts tals orfanets.
10. parchei cur quels duevan
par mei Bein ver quitau
Han els jlg mieu Balbierer
cun aur giu surplidau.
11. A lgi han amparemesse
Dua tschient milli Renschs
Chel mei mazar duvese
o chei vugaus chei schelms.
12. Chel dei Tilgiar la gula
En stailg Dla Barba farr
A mei schi puccaduse
Canar a murdriarr.
13. Mo quel ca ha Jsaghe
Bein da la mort spindrau
Quel ei er staus mieu Babe
ca ha mei parchirau.
14. Parchei cur ca quest morderr
jlg faig lev execuirr
Schi hal stuvieu ancorscherr
sieū fal antschiet a girr.
15. Ha sez stueu cunfassarr
Sieū cor ilg ha catschau
jls morders er numnarr
Chilg veven surplidau.
16. Mo quests dus traditurse
vaginen bault pilgai
vaginen en serrai
En ünna tuor zund scüra.
17. Mo cur jls lur vasennen
Han ei bauld ampruau
Da gidar els navende
Jnna rusna Han cavau.
18. Mo cur jlg cumin pievel
Ha quei catau da gurr
Schean els curi ansemel
cun gronda starmanturr.
19. Cunbein chilg cuselege
cun flis ha ampruaue
Da far star chiou ilg pievel
Ha ei nagut gidau.
20. Mols Han pichiau mazaue
Bein gleite si pandieu.
A frust jls han Tilgiaue
jlg lur Da dents or prieu.

21. urelgias nas a lieunga
 A quels Han giu tilgiau
 yn lgiauter or Dils mauns
 Scarbau dadault garieue.
22. Hei viva viva viva
 Nies prinzi sin Bears onts
 Deus ilg ha zunt mirvilgiuse
 spindrau da quests farfants.
23. Han a schia quest Duse
 Gista pagailgia dau
 ca Auda tarditurse
 o Deus seias ludaus.
24. Aschi ha Deus mia vitta
 da quests ad auters dons
 Bein parchirau vus gige
 Sin veing à quater onts.
25. Lur sunt jou visitause
 Da Deus en mia cuort
 ca tut ha giu clamaue
 jlg prinzi ei ün hum mierrt.
26. Malsoingia ei la virola
 Stada cun tal furtina
 chjlg erra tut curdau
 cun quella mia parsuna.
27. Po Holand ad orania
 par mei han Bein urau
 En Schotland a Britania
 Er Bears han suspirau.
28. jlg Tschiel ha Bault udieu
 Mieu miedi ei davantaus
 A mi nagit vangieuse
 Mei da la mort spindrau.
29. Mo Bucca gig Suenter
 cur jou fo sauns Davantaus
 Ha Lodivigh Reg da fronscha
 mieu Holand catschau maun.
30. quel ha en curt tempsette
 Zund Bears vigs a marcaus
 prieu en a faig subietta
 Rubau a schlaziau.
31. Cur quei jls stands vasenan
 fon ei fig zagiaie
 Tiers mei Bault sa vulvenan
 par puder ngir gidai.
32. quou catscha jou quei chiet
 Enten quronta gis
 cun tut sieu gotlos Triepe
 navend da nos Cunfins.
33. Oig onts suenter queie
 ca quei fo Davantau
 Orania ha par meie
 Ansemel sa Raspau.
34. Bein or sut Tschiel avierte
 Sut mei par angirarr
 In numdumbreivel Triepe
 Han quou sa schau afflarr.
35. Han A mi sut giraue
 Vardad Bein Da salva
 Tiers lin principale
 Trag en la fossa stat.
36. Gual lou cur quei Davantava
 Sasend jou sin mieu trohne
 Elg luft Nou tiers sgulava
 Sur mieu chiau jna curuna.
37. La qualla han Bein vieue
 Pli ca Diesch milli Humens
 jls quals Han tut garieue
 Hei mireit ünna crunna.
38. Scha quei mai ünna gada
 Fus da vantau pilver
 Miracla fus ei stada
 Avunda Deis ti crer.
39. Mo cau doig ons puschpeie
 Gual sin quei gi numnaus
 Cur ca orania veva
 mei bucca pli par cau.
40. Ha Deus quei cumfarmaue
 puschpei tras ünna crunna
 La qualla ha sumilgiaue
 En tut a tschella amprima
41. quel era maschadada
 Da treis Beallas calurs
 Alf mellan ad er Blau
 Tarlgischavan scolg aur.
42. A quella ha cuzaue
 Elg Luft treis uras err
 Bears han sa smirvilgeaue
 Mo Bears stueu tumerr.

43. Chei Deus tras quella leva
 A ilg Mund dar Dantarlirr
 Da tschien Bucc ün saveva
 Schel vess duvieu morirr.
44. Mo Bucca gig suenterr
 En spazi da Diesch ons
 Ha Deus quei grond Regenter
 Musau a tuts carstiauns.
45. Chei quella ha muntaue
 cun quei chel mi ha mess
 Na cruna sin mieu chiaue
 Nagin cartieue quei vess
46. La crunna ei ngida prida
 gual giu dilg chiau din Reg
 Dilg qual era vangida
 mia chara spusa andrieg.
47. parchei schiou vess giu seide
 Dilg saung Bein da mieu sir
 Lgi vess jou Bucca sez er
 Dau urden da fugir.
48. Mo questa mia cru(n)a
 Hai jou zun buc ratschiert
 Tras Gyt ner ambizion
 chi Gi mi fa antiert.
49. Parchei schiou vess giu seide
 Dilg Saung Bein da mieu sir
 Lgi vess jou Bucca sez er
 Dau urden da fugir.
50. Mo Deus quei gist darschader
 Ha Dau jlg Truament
 Sco Denter Saul a David
 Quei veza tut jlg Mund
51. A mi mava par corre
 Bear ont mieu Engellant
 Figev a mi Dalure
 Sieu puccadus Zustand
52. Chei gig jou Engellande
 Tut la carstiaunedad
 Schaschev en ün Tal stande
 Bein senza Libertad
53. Jlg Reginavel mieu
 Ah nadin Reg gir ascava
 Lodivig scho saludava
 ca tut ilg Mund fus sieu
54. Nu fusses Leopolde
 Amparadurz
 Schiou fuss bucc lavaus si
 Tut tieu jnperi gronde
55. Parchei ca Lodivigke
 Ha gig sin tei murau
 Las nozzas schon da gige
 partei giu rastiau.
56. Nu fusses o phillipe Reg da Span
 Tieu Riganavel grond [gia]
 co stes ei cun Madridta
 quei bi marcau dilg mund
57. Co stes ei cun vus Schwizers
 A cun vus Grischuns tuts
 jou des us bucc ün Krizer
 par vostra Libartat.
58. Scha jou Eucc à quei chiete
 Las alas vess tundieu
 Wess el faig zund machierte
 Cun vus ad auters pli
59. Mo jou quei dapfer Löue
 Aleopart numnaus
 Hai ussa sieu losch chiaue
 Aunc Bein machiert sblutau
60. Hei schi vanigit carstiaunse
 Mireit ancounter Tschiel
 co Deus schi Graziuse
 Mirau ha cun sieu älg
61. Mireit à patarcheite
 co Deus vus ha spindrau
 Dilg maun Bein da quei Rege
 Grond Lodivig numnaus
62. Wangit vus schanulgeite
 Sin la schanulgia a cor
 vies Deus glorificheite
 a deit a lgi hanur
63. A quei ei buc a vunda
 Da star mai ad urarr
 Nies Deus aunc pli Dumonda
 Er dapfer vuriarr
64. vus dapers Engalenders
 Ti Holand mieu uffont
 Sllagreit vos Holenbanders
 vus ritters da quei stand

65. Stai si o Leopolde
 Ti grond Amparadur
 Fai po Tieu Adler gronde
 Sgular Tia hanurr
66. Ta fai si Reg da spaingia
 Cun tut tes singurs grond
 Aur ad Argiend bucc sparngia
 quei Has ti sez a vunda
67. Ti Deüca da Savoia
 Churifürsts sumilgontameng
 Laascheit po bucc par breigia
 Mo si tuts ledameng
68. Wus Schwizerrs a Grischuns
 Mieu fitiment a ziert
 Lgunviern la stat uttuone
 Elg feld a elg quartierr.
69. Wus singiurs officials
 Ca vangits tschou numnai
 Vus sa figeit vi tierse
 Sch'vus leits ngir fürdriai
70. Her obrist da capaul
 En Guerra cusaschieus
 scheit par Racumandau
 Jlg Reg purs à singurs
71. Herr obrist Lütinente
 da cassa bein Saluz
 Deit er vus tapframenge
 A'lgl Anamig jlg truz
72. Herr obrist à vachmeister
 Herr Beli Bein numnaus
 En guerra bucca jester
 Sco vus vangits ludaus
73. Sior Capitani Buole
 ca veits bucca sparngiaue
 Nagin daners ner cuoste
 mo veits tut vugigiau
74. Sch'ilg Basengs dumandase
 dad ir aunc pli navonte
 jou creig chel vugiasse
 Antroga bein silg saung
75. Sior Capitani jenatsche
 Landshauptman da valtrina
 Duvreit er vus vies bratsche
 par Deus âlg Reg Wilhelm
76. Siör Capitani Dichte
 ün Redli patriot
 Figeit er vus jlg fechte
 par Deus à libertat
77. Juncker christofel Schmit
 da Grieneck bein numnaus
 En kunsts ad en vartits
 zund ault à bein studiaus
78. Capitani Leütinente
 Dilg obrist da Capaul
 Jn hum zund beals tarmente
 schon potestats ei staus
79. Wus sa figeit ün Nume
 Da Brava Tapfradad
 Gual uss veits vus caschun
 jou vus gig en vardad
80. Vus Brafs cavaliers tuts
 A minchin cun sieu Num
 Anqurit da partute
 Jlg Niz dilg Reg vilhelm
81. Wus veits sut la Bandiera
 Da vies Reg angirau
 Wus Lascheit ir par core
 A minch' ün cun sieu grau
82. Vus schvizers a Grischunse
 Salveit jlg vies Bi num
 Da tapfers brafs Barunse
 ch'vus veits partut jlg mund
83. Wus veits sut la Bandiera
 Ca Deus tiers sia hanurr
 A lgi ha faig subietta
 La terra ad er la marr
84. Jlg quall scüna miraclla
 Dues ha Bein cunsalvau
 Avont la furia Rabgia
 da tonts ch'an anpruau
85. Da lgi prender la vitta
 Tras conspiratiuns
 par has à gronda grita
 sco schelms à morders gronds
86. Jou gig vus veits ün Rege
 Sumlgionts a Salomon
 yn verr prus josapfate
 A tapfer Gedeon

87. Schels fussen tschou silg mund
vangiss' mei sez à gir
El ei Bein aschi grondse
Ca nus sagir sagirr
88. El ei quei pussent carre
A Rütter da jsraele
Culg qual el vult pichiare
quei losch nar Ariel
89. quel jlg qual ven numnaus
Dils Ruscks quei zund velg Reg
Ad jlg fürst da las gilgias
Lodivickc jou maneg
90. jlg qual aschi Eears ontse
Ha giu zund gronda seit
Dilg saung dils vers cartentse
quel sponz senza schaneg
91. Jls Ruscks quels ston morire
Da pomeranza schit
Las Gilgias ston pirire
Scha Nassau calla Bucc
92. quei ha a vont tschient onse
sa vieu prophetissarr
quei sabi Nostrodamus
ca quei dei uss davantarr
93. Jlg Saung dilg Admirale
Caspar Colingi prus
urat dilg Reg vilhelm
mazaus schi puccaduse
94. Elg ont milli. 5. tschienté
ad er settonta dus
Tras Gotlos tradimende
Dlas Nozas da paris
95. Quest Bien saung senza culpa
Jlg qual ha ruvassau
Tschient à veing à treis onse
Wułt ver uss rachingiau
96. Tras maun gual da quei Rege
Ca da quei saung ven nou
jou vus gig Bein andrege
Wilhelm jlg Tiers numnaus
97. Aschi eis el jlg Tierme
Ca Deus ha ordinau
A gi à lgi Tirane
Bucca pli lunsch ca quou
98. Parquei Eucca Tumeite
o vus jlg annamig
Mo si vus sa figeitte
Ancunter Ludivicgk
99. Parchei ch'el ei rivausa
vontsei noutiers sieu Tierm
Da vossa vartei Deuse
Ad ün Bien luft dilg Tschiel
100. Cur jacob quei soing hume
Cun Deus ha giu luchiau
Sch eis el vit sieu calune
Da Deus vangieus pichiaus
101. quou nou cur la vartide
Tschassad ei dilg Galun
Ha el Bein Gleiti gige
O Segner zops jou sundt
102. Mo la vartid pussonza
Dla guerra ei ilg daner
Chi la munten la schonza
Chi l'ha Bucc sto Baul scher
103. Damai ch'ei maunca queie
En fronscha à Lodivikg
Sto el sagir vontseie
Jr zops en curt temps fig
104. Cur David quei soing hume
A dapfer prus Barun
Schaschev elg feld culs sese
Weva Bucc proviant
105. Schi vess el Bault stuvieue
Culs ses d'la fom morir
Scha Deus vess buc rigieue
Ad en agid schau ngir
106. Schi co duess ei pia
Ad ün tal gartigiar
Jlg qual aunc oz ilg gie
Jlg truz a Deus vult dar
107. Cunzun damai ch'jlg eie
partut en fronscha oz
zund gronda carischia
A Bunameng fumaz
108. Quei Riter ner la fome
Plugeg els gi à noig
Chi po va Bucca plaune
Fa sez jlg sieu pasporta

109. quou nou pli ca veing milli
Han scho(n) sa faig navend
quei Lodivik cun breigia
ch'el ven grischs avont temps
110. Cur jlg Reg dad Egipta
ses marcaus vid la Marr
Ha giu par dieu cun grita
Lur hal stuvieu calar
111. Lodivik sto ussa vere
Mond ses marcaus an fim
Wontsei ven stuer crere
Chi seig jlg Reg Wilhelm
112. Cur Atila jlg gronde
Ha gig giu vuriau
Scüna Geissla dilg munde
Mazau â ruinau
113. Lur hal stuvieu calare
Deus ha la Geisla prieu
Cun fieug schau arsentare
Aschi ei ieu cun plis
114. Aschi ven ei Bauld ire
Cun tei o Lodivik
Mes elgs vengian â vere
Scha Deus vult tieu castig
115. Wangit lur vus cumpoingse
Da Thomas nuncartens
A scheit Beai ean quelse
Sin Deus ch'an lur fidonza
- La Serra.
116. Ad uss a ilg suenter
Lein nus da cor Rugar
quei grond vurier Regenter
Nies Deus â Senger
117. Ch'el velgig parchirare
Bein da tut mal â don
En vitta cunsalvare
Bears onts jlg Reg vilhelm
118. Elg felt ad en quartiere
seigig po Deus cun el
En Schlachts ad enten gueara
Bandunig Bucca el
119. Lgi dai o Deus vantira
Cunter ses anamigs
Teng po navend schvantira
Tras el Nus lägra tuts
120. Jlg sieu laid â tristezia
Wilgias po Deus midar
Wontsei enten Latezia
Jnna autra spusa dar
121. Jn autra lgi maria
Welgias po Deus midar
Ca la Tristezia sia
Fetschig Bault Amblidar
122. Na tapfr' Elisabeta
Cunfiert elg Regiment
Jn Abigail parderta
Cur el va or ad en
123. Alura silg suenter
saduoll da gis ad onts
Jlg meinig Deus en Tschiel
Tiers ses prus par davonts
124. Alg senger dils singurs
Alg Reg da tuts jls Regs
Seig dau Laud Gliergia hanur
Amen tscheit uss â tuts.

durck mich geschriben Johannes Siewy zu Waltenspurg Anno 1720 den 30 Jener